



167  
1. ✓  
2. ✓  
3. ✓  
4. ✓  
5. ✓  
6. ✓  
7. ✓  
8. ✓  
9. ✓  
10. ✓  
11. ✓



1670.

1. Alsted, Casper Henricus: De constitutionibus
2. Bekkerus, Johann Ludovicus: De jure clariorum.
3. Colbrand, Nicolaus: De montibus pietatis.  
2 Exempl.
4. Epstein, Abraham: De bonis immobilibus in ma-  
num mortuam non transferendis
5. Erhard, Johann David: De anno gratiae valgo Pruden-  
tibus.
6. Faber, Georgius Fridericus: Analysis l. si pecuniam i. l.  
De non num. pec.
7. Faber, Henricus Abrahamus: De principibus conjugum.  
2 Exempl. 1670 - 1710.
8. Finkeller, Gottfried: De alimentorum praestatione
9. Hagemeister, Franchis: De laudo.
10. Hofmeister, Joh. Melch: De jure asonagii
11. Hirschman, Fridericus Christianus: Vasallus felonis  
reus

- 1670.
12. Kniebs, Philippus: De revocatione codicillorum
13. Martens, Henricus: De cautionibus judicialibus
14. Meier, Henricus: De barathria
15. Mueller, Christianus: De veteris nomenclaturae potes.  
Labe.
16. Rehrken, Johannes: De interdictis
17. Schneider, Hieronymus: De citationibus sub teste
18. Hoelden, Eberhardus, von: De sigillis
19. Hoelker, Gerardus von: Quaestiones aliquae juridicae  
specim. collectae
- 20<sup>a</sup>. Hoelker, Eberhardus von: De iure posthumis  
2 Aufl. 1670-1731
21. Haenrich, Gottfriedus: De feriis
22. Haenrich, Gottfriedus: De eminente dominio
23. Vintner, Philippus Jacobus: De partibus curiae et  
eorum jurisdictione
24. Wendt, Matthaeus: De iuribus feminarum singularibus  
in iudic. Collatio juris communis cum Romano

167  
25.  
26 16



1670 W. Hermann, Christianus

25. Walframus, Ingegnus

Petrus:

De rebus gentilitatis

26. 16. Walframus, Ingegnus

Petrus:


De principibus liberorum

3 Exempl. 1670 & 1706.

*[Faint, illegible handwritten text, likely bleed-through from the reverse side of the page.]*









Summa Causa DEO:  
DISPUTATIO IN ARITHMETICIS JURIDICIS

De

# EVICTIO NIBUS

Summa Causa DEO

2

P. 207

2

0



18,

P. 17. num 52.

19

1670, 17.

Q. Roy. D. m. B. U.

DISPUTATIONEM INAUGURALEM  
JURIDICAM

De

LICITATIONIBUS

Sub

HASTA

Authoritate & Decreto

Magnifici, Nobilissimi, Amplissimi  
Consultissimi

Ordinis Jctorum

in

Florentissima & undiquaque celeberrima

ARGENTORATENSIVM UNI-

VERSITATE

pro

Consequendis summis in utroque jure

Honoribus & Privilegiis

Doctoralibus

SOLENNITER habebit

HIERONYMUS Schneider

Mæno - Francof.

ad diem 21. Mens. April. 1670.

ARGENTORATI,

Literis GEORGII ANDREÆ DOLHOFFII,

Imprimebat JOHANNES Schüss.



P. 219.

19.



*S. Rom. Imperii*  
Reipublicæ Francofurtensis

liberæ & inclytæ

Ordini Senatorio

Amplissimo,

*Viris Generosis, Præstrenuis, Magnificis, Nobilissimis, Amplissimis, Consultissimis, Prudentissimis*

PRÆTORI  
CONSULIBUS  
SCABINIS  
SYNDICIS  
SENATORIBUS

Patriæ Patribus venerandis

Dominis, Mecænatibus, Patronis, Promotoribus,

omni honore prosequendis

in

*debita submissionis, promptique obsequii testimonium*

Hanc disputationem inauguralem

*offert ac consecrat*

Hieronymus Schneider.



DISPUTATIONIS INAUGURALIS

De

## LICITATIONIBUS

sub hasta,

PROOEMIUM.

**I**N nomine Domini nostri JESU  
CHRISTI ad omnes actus o-  
mniaque consilia, & sic etiam  
ad tractationem huius nostræ  
materiæ de *Licitatione sub hasta*,

progredior, præeunte sic mihi Sacratissimo  
Imperatore *in l. 2. Cod. d. offic. Præf. præf. Afric.*  
eamque fretus divino auxilio, non ut mate-  
riæ dignitas meretur, sed ut ingenii permit-  
tunt vires, eâ, quâ fieri potest brevitate, obser-  
vatâ certâ dispositionis methodo, in ordi-  
nem quendam synopticum sum coactus, de  
benevolo lectorum iudicio non dubi-  
tans! Tu Domine JESU omnia sic dirige, ut  
vergant in SS. Tui nominis gloriam & ho-  
norem!



Tractatio.

**A**Ntequam autem, quid licitatio sit, describam, ejus & nominis definitionem prius attingere æquum erit: & quidem licitationem derivari à verbo licitor, ari, frequentativo à verbo liceri, quod est ad pretium aliquid adjicere l. 7. §. *quisitum est*. 8. ff. d. minor. & passim in jure, extra dubium est; vid. *Briffon. d. verb. signif. voc. liceri*. Accipitur vel propriè, cum sumitur pro licitatione facta necessariò, impropiè, cum sumitur pro aliis licitationibus, quæ fiunt non necessariò, sed ad partium instantiam; de propriè accepta licitatione sub hasta nobis est sermo, quæ aliàs dicitur adjectio, *rubr. ad l. 10. Cod. de fid. & jur. hast. fiscal. & l. 2. Cod. d. locat. pred. civit. l. 1. d. vend. rer. civit. l. penult. de omn. agr. desert. Gothofred. ad rubr. d. in diem addict. Melioris conditionis allatio, Gothofr. ad d. rub. d. in diem addict. Auctio pretii id. ibidem. Sudhastatio, *Mangil. d. subhast. quest. 6. n. 1. quest. 14. num. 2 quest. 16. pr. & num. 5. Calvin. lexic. jurid. sub vocab. licitator.**

II.  
Estque nihil aliud, quàm pretii auctio facta ritè ac solenniter in rebus debitoris obærat, moram in solvendo facientis, sub hasta vendendis eum in finem, ut potiori sive plus offerenti addicantur; sive ut illam describit *Calvin. lexic. jurid. sub vocab. Licitator*. venditio propolita, quæ pretio ementis augetur.

III.

Ejus causa efficiens est decretum Magistratus, per quod

quod iubentur bona debitoris moram in solvendo facientis, vel fraudationis causa latitantis sub hasta per licitationem distrahi & vendi, l. 2. C. si in caus. jud. pign. captum sit. l. ult. §. 1. pr. Cod. de bon. auth. jud. possid. ibi: ex sententia judicis & c. l. 2. Cod. si propter pensitat. publ.

IV.

Causa impulsiva alia est remota, alia propinqua: Remota est obligatio personalis, quâ obæratuſ debitor, illis, à quibus creditum accepit, est obligatus, illamque adimplere cessat; Propinqua, petitio creditorum debiti sui solutionem urgentium, & si à debitore in solutione fuerit cessatum, postulantium, ut bona ejus per licitationem distrahantur. *Coler. de process. execut. part. 3. c. 4. num. 1. Anton. Faber. 5. Conject. 15. verb. quibus postulantibus & c. post. med. quo etiam facit Rebuff. ad ordinat. regni Gall. tract. d. litt. obligat. art. 6. glossa 3. n. 58.*

V.

Materiam considerando videndum, quænam sub jaceant licitationi, sive quasnam res possimus licitari? Regulariter autem possumus omnes res, omnia bona debitoris, sive illa fuerint corporalia, sive incorporalia, sive mobilia, sive immobilia, modò jure domini pleno à debitore possideantur, nec alteri ullum in iis sit jus, nec specialiter vendi prohibeantur: & quamvis antea citatus *Colerus c. 9. part. 3. num. 81. & 82.* cum alijs statuat, mobilia licitationibus non posse vendi, cum subhastatio & inde licitatio non possit fieri, nisi in rebus soli sive immobilibus; contrarium tamen videtur non tamen absque limitatione verius; illa enim mobilia, quorum pretium ex eo est certum, quòd per singularum septi-

manarum mercatus habentur per civitates venalia, in publico foro, prout sunt butyrum, oleum, lardum & similia esculenta & potulenta, licitatione & per illam facta distractione opus non habere, certum est, cum ea statim, secundum communem valorem absque ulla licitatione creditoribus possint dari in solutum. *Bald. in l. 1. n. 5. Cod. si propter publ. pensit. & in l. cum majoris 2. C. d. rescind. vendit. num. 54. Coler. allegat. part. 3. c. 9. num. 51. Berlich. part. 1. conclus. 81. num. 90. & concl. 83. num. 15.* horum enim mobilium aestimatio tam manifesta est, ut ibidem collusiones intervenire nequeant: Secus tamen se res habet in rebus, quæ sunt pretiosæ, ut sunt gemmæ, margaritæ, vasa aurea, libri, vestimenta auro & argento picta & similia, quæ præcisè debent subhastari. *Bl. in d. l. venditionem l. cit. vers. sed si essent tales res & c. Coler. loc. cit. n. 53. sub fin. verb. nisi forte & c. Berlich. part. 1. conclus. 81. num. 91. & conclus. 83. num. 32.* & sic etiam fuisse judicatum in judicio curiali Lipsiensi in causa *Anwalden Barthel Voigten und Consorten / contra Heinrich Osthausens Erben* 15. Decembr. an. 1609. *daß mit subhastation der mobilien billich verfahren wird / es könten und möchten denn die Appellaten / wie recht / erweisen / daß bey den Gerichten zu Leipzig / der eingezogene Gebrauch beständig eingeführet / daß mobilien allein zu taxiren und nicht zu subhastiren / darmit würden sie billich zugelassen / V. R. W. restatur idem Berlich. part. 1. conclus. 81. num. 87. add. Reform. Francof. part. 1. tit. 47.*

VI.

Sed quaritur, si, ut supra dictum, mobilia, de quorum pretio constat, creditori in solutum possunt dari absque



absque licitatione, quid obtineat, si illa creditor in solutum accipere recuset? Resp. quòd tunc ea de una quaterdena in aliam tribus vicibus proclamari, subhastari & plus offerenti secundum jus Saxon. (secundum locorum enim consuetudines & statuta hæc variare possunt) debeant per **Churf. Sächf. Gerichtsordnung** / c. von der execution und Hülffe 39. colum. 5. §. und wenn also zum Fahrnuß / vers. do er aber solches zu thun bedencken &c.

## VII.

Sed quid obtinet, si & tum non inveniatur, qui rem licitetur, vel inveniatur quidem, justum tamen pretium non offerat? Respondent DD. quòd ejusmodi res vi-  
liori precio non debeant vendi, sed debeat creditor facere, ut ea sibi adjudicentur justo pretio, quod pretium potest defini æstimatione expertorum. *id. Berlich. concl. 81. part. 1. num. 63.* ubi alios hanc in rem Doctores citat & allegat.

## VIII.

Dixi & incorporalia posse licitationibus distrahi: hin incertum non erit posse etiam Usumfructum hoc modo vendi, cum quòd usufructuarius non pauca domini jura habeat l. 3. §. 13. ff. d. vi & viarmat. l. 1. §. penult. d. remiss. Hillig. in Donell. l. 9. c. 9. lit. c. tum quod in venditionem bonor & executionem venire possit, & appellatione domini etiam fructuarius contineatur l. 8. ff. d. reb. aut. jud. poss. addatur Calvin. in lex. jurid. sub. vocab. *Usufructus*, Colleg. Argentorat. ad. tit. d. reb. aut. jud. poss. th. 23. & ad tit. d. *Usufructu* th. 24. l. 22. pr. d. aqua & aqu. pluv. arcend. & ad eam Gothofr. sub n. 88. *Rittershusf. tit.*

ad tit. *Inst. de Vusufr. princ.* Ea tamen, quæ jam diximus non intelligenda sunt de ipso jure **U**susfructus personali, quod personæ constitutum est & cum eæ extinguitur, sed de jure percipiendi fructus, cum in **U**susfructu jus percipiendi fructus & utendi commoditas, non item jus personale vendi & in id executio fieri possit. §. 1. *Institut. d. usu & habit. l. 38. d. Vusufructu l. 8. §. 2. d. pericul. & commod. rei vendit. Carpzov. part. 1. cap. 32. def. 21.* vid. omninò Magnif. D. Rebhan; Patronus Præceptor & Promotor meus semper venerandus *in hodoq. jur. chart. 2. clim. 2. paral. 2. th. 16.*

## IX.

Sic & nomina & actiones, cum sint in bonis *l. 49. d. verb. Signif. & in executionem venire possint l. 15. §. 2. & 8. d. re judicat.* nec possum simpliciter assentiri iis, quæ habet *Berlich. part. 1. conclus. 81. n. 239.* non omnia enim debita sunt sic idonea ac talia, ut sine expensis & aliis incommodis statim ac facile possint exigi, imò talis quandoque sunt conditionis, ut vel nihil omninò vel, si aliquid, vix dimidium illorum obtinere & consequi possis; fecus tamen est, si sint certa & talia, ut de eorum solutione dubitandum non sit.

## X.

Dixi ulterius, omnia debitoris bona venire in licitationem, nisi reperiantur specialiter prohibita, quemadmodum prohibentur statutz, quæ positæ sunt in memoriam & honorem ejus, cujus bona per licitationem distrahuntur, illæ enim aut præter memoriam ad ornatum civitatis sunt positæ, & tunc manent publicæ, aut solummodò in honorem ejus, cui positæ, & tunc manent

ment ejus, & nullo modo possunt distrahi ex dispositione  
*l. 29. d. reb. aut. jud. possid.* adde, quòd plerunque ejus-  
 modi statuar non privati causa, sed ob publicam utilita-  
 tem construantur, ut alii eas intuendo ad similem inci-  
 dentur virtutem.

XI.

Concubina & liberi debitoris naturales *l. 38. d. reb. aut. jud. possid.* Instrumenta rei rustica & ad agri cul-  
 turam pertinentia, ita, ut ne quidem in subsidium aliis  
 bonis deficientibus per licitationes vendi & distrahi de-  
 beant, & hoc propter utilitatem publicam; quia si hoc  
 permetteretur, interiret ac turbaretur agricultura, in-  
 deque eveniret vel tarda vel planè nulla tributorum il-  
 latio: *l. 7. & 8. Cod. quæ res pignori oblig. poss. Hilliger. in Donell. libr. 27. c. 3. sub. litt. P. ubi Choppin. de Privileg. russ. l. 1. part. 1. cap. 7. Menoch. arb. casu 378. Trentacing. l. 2. pract. resolut. tit. d. execut. resol. 2. & alios, qui apud no-  
 stros bibliopolas admodum rari, & inde non investi-  
 gandi, pro sua allegat sententia.*

XII.

Sic & feudum excipitur & prohibetur per licita-  
 tionem distrahi *per text. 2. feud. 55. l. fin. Cod. d. reb. alien. non alienand.* quia pleno jure ad Vasallum non pertinet,  
 nec Vasallo sit per ll. dispositionem permiffum illud  
 alienare; nisi fortè consentiat Dominus feudi, tum  
 enim prohibitionem cessare in propatulo est; invitus  
 enim Dominus feudialium Vasallum non habet, sed  
 illum habere voluisse censetur; quod est secus in feudi  
 fructuum perceptione & commoditatibus, hæc enim  
 in licitationes venire posse, præter *Gail. libr. 1. observat.*

B

pract.

*pract.* 117. n. 2. testatur *Berlich. part. 1. concl. 82. n. 2. Wesenb. in parat. ad tit. de rebus aut. jud. poss. n. ult. Hahn. ad eund. Wes. l. cit.* quæ tamen fructuum perceptio longius non durat, quam jus ipsius Vasalli, hoc est, durat tantum per vitam Vasalli; hinc debitore Vasallo mortuo, etiam si ex fructibus perceptis creditori non sit satis factum, nihilominus ususfructus rursus ad Dominum sive agnatos, pro sui natura, redit, quibus Vasallus debitor præjudicare non potuit; antea allegat *Gail. l. cit. Hahn ad Wes. ibid. Colleg. Arg. ad tit. d. cess. bonorum thes. 9. add. l. 63. ff. d. re jud.*

XIII.

Porro ejus debitoris bona non possumus licitari, qui defunctus & heredem non habens ab alio defenditur *l. 33. §. 1. d. reb. aut. jud. possid. auth. & qui jurat. in fin. Cod. eod. Nov. 53. c. 4. §. 1. in fin. l. 2. pr. l. 5. §. 1. in fin. & §. 2. quib. ex causis inposs. ear.* Nec ejus qui Reipubl. causa sine dolo malo abest *l. 6. §. 1. cod. l. 4. Cod. de restit. milit.* Nec captorum ab hostibus *l. 6. §. ult. quib. ex caus. in poss. ear.* Nec Furiosorum & prodigorum *l. 7. §. 9. & 12. l. 5. §. 1. in fin.* nisi urgeat æs alienum, & dilatio creditoribus sit allatura damnum *d. l. 7. §. 11. vel alia subsit causa rationabilis l. 5. d. reb. aut. jud. possid.*

XIV.

Dixi notabiliter, debitoris bona per licitationem distrahi posse; hinc & illius bona à tali distractione sunt secura, qui vel omninò debitor non est *l. 7. §. 14. quib. ex caus. in poss. ear.* vel adversus actionem exceptione se potest tueri *ead. l. 7. eod. §.* vel, si sit quidem debitor, debeat autem adhuc in diem, aut sub conditione, *d. l. & §. ad l. 50. d. pecul.*

XV. Quæ.

Quæri hic potest, quid obtineat in pignore quod ratione duorum debitorum obligatum licitandum venit, an ex pteio ejus ambobus creditoribus sit satisfaciendum, an verò alteri solummodò horum? Resp. distinguendo: aut pignus constitutum est eodem tempore, & tunc pretium ex eo redactum dividitur inter utrumque; pro rata, aut diversis temporibus & tunc ille, qui primus pignus accepit, præfertur posteriori, nihilque hic consequitur, quàm illud quod superest. *per l. 96. ff. d. solut. & liberat. & l. 97. cod. in fin. Arism. Tepat. tit. 4. 17. d. distr. pign. c. 2.*

Sequitur nunc forma: quæ potissimum potest considerari I. ratione Personarum, partim illam permittentium & decernentium; sic namque licitatio non valebit, nisi facta decreto & permissione ejus, qui eam interpellatus decrevit, publicâ videlicet judicis autoritate (judex enim eam proprio motu decernere non potest *Berlich. part. I. conclus. 81. n. 2.*) non ejus qui illam postulavit, uti id patet ex *l. 2. Cod. si in caus. jud. pign. capt. sit, & ejus inscriptione, l. legis 4. Cod. qui bon. ced. poss. Iohan. Anton. Mangil. tr. d. subhast. & licit. quest. I. n. 10. antea allegat. Berlich. l. cit. ubi quod hoc jure Sax. obtineat, testatur; adde etiam *Reform. Francfurt. part. I. tit. 46. von vergantung der unbeweglichen Güter in der Execution: verb. einen feyltrags Zettul erlangt hat &c.* partim illam consequentium, ut sunt regulariter Creditores *l. 9. ff. d. Curat furios. dand. modò, ut jam dictum, illi illam apud judicem postularint. Hilliger. in Donell. l. 23. c. 14. sub lit. D.**

Sed anne impetratâ jam licitatione hi creditores cum aliis licitantibus non creditoribus ad licitandum admittendi, quæstionis est? Affirmat id *Salicet. in l. 2. Cod. si in caus. jud. pign. & Iason. in l. à Divo Pio 15. §. si pignora 3. n. 8. ff. de rejud. Gorbosfr. ad eand. l. 2. sub. n. 44. Coler. process. execut. part. 3. c. 9. n. 87. Berlich. concl. 81. n. 64.* ubi alii pro hac sententia recensentur, quam etiam approbat *Colleg. Argentorat. ad tit. de reb. aut. jud. possid. thes. 22. c. 1. add. Hillig. in Donell. libr. 23. c. 14.*

XVII.

Porro & licitationem possunt impetrare Curatores creditorum furiosorum, per ea quæ traduntur *sub tit. Inst. de Curator. §. 3. & 4.* item tutores ratione pupillorum creditorum, quos habent in tutela; Cùm enim jam recensitæ personæ ejus sint ætatis & conditionis, ut negotia sua tueri non possint, *pr. Inst. d. Curator* merito illorum Curatoribus ac tutoribus conceditur, ea ipsorum nomine peragere, per quæ eorum vitatur incommodum, illorumque potiùs commodum promovetur.

XVIII.

Forma II. licitationis potest considerari ratione loci; sic necesse est, ut illa fiat cùm publicè in loco publico per *l. Ordo 3. verb. subhastatas & ibi glossa Cod. de execut. rei jud. l. 1. l. 5. & 6. Cod. de fid. & jur. hast. fiscal. cum quibus text. convenit auth. Hoc jus porrectum Cod. de SS. Eccles. adde ea, quæ tradit Hilliger. in Donell. enucl. l. 23. c. 14. sub lit. C. Marth. Coler. d. process. execut. part. 1. c. 10. n. 209. verb. & publicè præconizatur in foro &c. Berlich. conclus. 81. n. 156. Mangil. quest. 16. Rebuff ad ordin. regni Gall. tract. d. præcon. & licit. artic. 1. gloss. 2. n. 8. l. 12. Cod. de erogat.*

gat. *militaris annon. Reformat. Francofurt. part. 1. tit. von  
 vergantung der unbeweglichen Güter in der Execution* 46.  
*§. 3. verb. das darzu verordnete vergantungs Panier bey  
 der Gerichtsthür auffgesteckt werden &c. quod appro-  
 batum etiam cernimus ab Electore Saxonix Johan.  
 Georg in Gerichtsordnung c. von der Execution und Hülf-  
 fe 39. col. 7. §. so soll man diese Ordnung ver. in der gemein-  
 ne &c.*

XIX.

Sed quid faciendum, si locus ille publicus, ubi ejus-  
 modi licitationes fieri consuevère, peste sit infectus,  
 ita ut ab illo sibi cavere necessa habeant illi, qui aliàs  
 fuissent licitaturi? Respondet ante *allegat. Rebuff. d. tr.  
 num. 7.* quod debeat fieri in alio loco proximo, quem  
 vide sis.

XX.

Tum necesse est, ut fiat ibi, ut quisque defenden-  
 dus l. 1. *de reb. aut. jud. possid.* sive ubi habet forum com-  
 petens l. 2. *eod.* sortimur autem forum competens vel  
 respectu habito ad domicilium l. *un. ubi d. hered. agat. l. 19.  
 §. fin. d. jud. vel respectu habito ad contractum. l. 2. §. 4.  
 ff. d. jud. l. 19. §. 2. & fin. l. 45. eod. cap. 17. extr. d. for. com-  
 per. vel ad rem sitam. l. ult. Cod. ubi in rem act. exerc. deb.  
 l. un. C. ubi de hered. l. un. C. ubi de possess. agi op.* (Sed quid  
 juris si res pluribus in locis sint sita? vid. *Rebuff. d. tract.  
 art. 3. gloss. un. num. 22.*) vel ad delictum per l. *un. C. ub. d.  
 poss. Novell. 69. c. 1. in it. l. 20. d. jud. tot. tit. ubi de criminib.  
 agi oport. Cod. tum denique ad continentiam causæ  
 l. 10. C. d. judic. addatur *Rebuff. d. tract. art. 1. gloss. 2.  
 num. 6.**

III. Ratione temporis: sic diebus dominicis illa non debet fieri, per *l. fin. cod. d. fer. Rebuff. d. tract. art. 4. gloss. unic. n. 1. art. 7. gloss. un. n. 5. Berlich. part. 1. conclus. 81. n. 158.* quamvis licitationum præconia & inclamationes in villis & pagis die dominica in plurimis locis, post peractum cultum divinum, admittantur; hoc enim non admissio, plerumque eveniret apud rusticos hujusmodi licitationum ignorantia, quippe qui vel planè non vel rarò omnes solent convenire, nisi diebus dominicis & festis, *antea allegat. Rebuff. d. l. deinde ratione temporis venit considerandum intervallum, quod à captione pignorum indultum est rebus per licitationes distrahendis; de Jure ergò Civil. tempus intermedium in rebus Ecclesiæ à captione pignorum usque ad finem licitationis est viginti dierum, uti id patet ex auth. hoc jus porrectum, §. quod si nolit, vers. quo subsecuto & c. C. d. SS. Ecclesiis: vid. Mangil. quest. 10. n. 2. 3. 4: d. tract. Teptat. tit. 417. c. 10 & c. 18.* (Non obstante, quòd *Rebuffus in compend. d. alienatione rerum ecclesiast. n. 20: neget illas requiri, prout id notat. Gothofred. ad allegat. auth. n. 59.)* videatur huc *Mangil. d. tr. quest. 10. n. 1.*

XXII.

Idem in rebus fiscalibus obtinere communiter testatur *Bald. in l. si tempora 4. n. 7. Cod. d. fid. & jur. hast. fiscal. Coler. process. execut. part. 3. c. 9. n. 88.* imò etiam in rebus minorum & fisci, *Berlich. p. 1. concl. 81. n. 161.* quod est secus in rebus privatorum, de illis enim cum certum tempus non reperitur definitum, iudex disponere potest, ipsiusque relinquendum arbitrio, quanto putet in earum



earum licitationibus opus esse tempore: *Mangilius*  
*quest. 10. n. 3. 4. 5. & 6. d. ir. Colleg. Argentorat. ad tit. d. reb.*  
*aut. jud. possid. thes. 24. Coler. d. l. n. 89. id. part. 1. c. 10.*  
*n. 208. l. si tempora 4. ibiq. gloss. 1. C. d. fid. instrument. & jur.*  
*hast. fisc.*

## XXIII.

Sed hæc de jure Communi; statutis enim & con-  
 suetudinibus hæc quandoque immutari, certum est:  
 Sic moribus provinciarum Saxonicarum est receptum,  
 ut pignora pro executione capta proponantur venalia  
 & licitanda per sex septimanas cum tribus diebus, ita,  
 ut regulariter in singulis septimanis per illud biduum,  
 quo ut plurimum in plerisque civitatibus populosiori-  
 bus celebrantur publici mercatus, fiant singula procla-  
 mata in foro publico & frequentiore populi confluen-  
 tia, nominatim exprimendo ac designando res illas,  
 quæ sunt venales, & addendo, ut qui eas intendit emere,  
 veniat ad locum, ubi licitationes solent fieri, licitatu-  
 rus earum pretium. *Coler. p. 3. c. 9. n. 91. ubi jura Saxon. h. in*  
*parte allegat. Berlich. part. 1. conclus. 81. n. 162. Jure no-*  
*stro Francofurtensi ejusmodi licitationes fiunt spatio*  
*unius mensis, ubi singulis diebus Veneris, à hora prima*  
*ad secundam, licitandum. Reformat. Francof. part. 1. tit.*  
*supra allegat. 46. §. 3. ad d. Colleg. Argent. ad supr. cit. tit.*  
*d. reb. aut. jud. possid. thes. 24.*

## XXIV.

Quæri hic potest: num Judici liceat, cum possit  
 prorogare licitationis tempus, *Bart. in l. licitatio n. 1.*  
*& 3. ff. d. publ. & vect. & l. si tempora Cod. d. fid. instrum.*  
 idem etiam minuere? quod negatur per ea quæ habet  
*d. Bart.*

*d. Bart. d. l. si tempora, n. 1. in fin. & n. 8. vid. Mangil. tract. d. subhast. & licit. quest. 10. n. 8. & 7. addatur etiam Rebuff. d. pracon. art. 4. gloss. un n. 31.*

XXV.

Prædictis accedunt & ulterius ad formam requiruntur & alia; uti: ut certò & legitimè constet de debito ejus, cujus bona debent venire in licitationem, *l. 9. ibi: tuum esse debitorem constat, cum Auth. & qui jurat. C. d. bon. aut. jud. possid. verb. declarati debiti & c. ille enim qui bona debitoris subhastari & sic per licitationes distrahi prætendit, si creditum non liquidò probaverit, licitationem non obtinebit, & reus erit absolvendus l. qui accusare Cod. d. edend. pro debito enim illiquidò neque rerum neque personarum captura, neque alia quæcunq; executio permittitur. Bald. in l. apertissimi 16. n. 9. C. d. jud. & super debito nondum liquidato judex non debet decernere præceptum executivum vel ad executionem procedere. l. fin. Cod. d. compensat. d. auth. & qui jurat. C. d. bon. aut. jud. possid. Coler. process. execut. part. 3. c. 1. n. 2. 3. Liquidum autem quid sit? videri potest ex l. 6. ff. d. reb. cred. l. ubi autem 75. pr. d. verb. oblig. l. hac autem 5. §. 1. verb. constare liquereq; debet prætori ff. quib. ex caus. in poss. eat.*

XXVI.

Deinde ut reus ille, qui debet, citetur coram judice *l. 3. C. si propt. publ. pensit* interpelletur ac debitum solvere tardetur, *argt. l. 10. Cod. d. pignor. ubi: si conventi non satisfecerint. l. 7. ibi: cessante solutione & 14. C. d. distraçt. pign. l. 1. & fin. circ. med. Cod. si propt. publ. pensit. Cùm enim, uti possunt fingi lites l. 8. §. 20. d. transact.*  
ita

ita etiam possint fingi debita, merito reus erit citandus ut per illum iudici innotescere possit, num petitio actoris creditoris nitatur veritate nec ne, & an illi licitatio in bonis debitoris sit concedenda, an verò non.

## XXVII.

Tertiò & necessarium erit, ut bona fide res sive bona licitentur: omnis enim fraus ac dolus hic abesse debent *p. l. 2. Cod. si propter public. pensit. verb. sincera fide. l. si quos 16. C. d. rescind. vend. l. 1. C. d. prescript. 30. annor. l. 1. Cod. d. fid. & jur. hast. fiscal.* Hinc debitor, si fraudenter & iniquè per ejusmodi licitationem læditur, remedium habet restitutionis, per ea, quæ habet *Gorhoff. ad l. 16. Cod. d. rescind. vendit. sub. n. 70.* adde de dolo hoc *l. tenetur 6. §. fin. ff. d. act. empt. Colleg. Argentor. ad. tit. de reb. aut. jud. possid. §. 24. in fin. verb. quod neque per gratiam emptoris, neque interveniente dolo minorem justo rerum pretio quantitatem acceperit, sed eam, quam cum omni studio potuerit invenire.* ad eò autem necessaria est hæc bona fides, ut ille etiam, qui in licitatione plus justo offert pretio, non eo animo, ut sibi rem emat, sed ut alios ad pluris emendum inducat, crimine stellationatus reneatur. *Berlich. conclus. 81. part. 1. n. 179.* ubi allegat præter *Bart. in l. si tempora 4. C. d. fid. & jure hast. fisc. n. 3. sub. fin. vers. & in materia subhastationis.* pro hac sentent. complures; quibus ad de *Tepat. tit. 417. c. 15. Rebuff. tract. d. sequest. §. Commiss. art. 1. gloss. 7. Rebuff. id. d. præcon. & licit. in præfat. n. 14. & 6.*

## XXVIII.

Porro fieri debet pecuniâ præsentem *l. 15. ff. d. re jud. §. 7.* Præsentem autem pecuniam non strictè accipiendam

C

dam

dam pro ea, quæ datur ad numerum, sed pro satisfactio-  
ne, statuit *Mangil. d. tr. quæst. 13. n. 21. per l. 4. §. 3. d. re  
jud.* In subhastationibus enim non est fides habenda de  
pretio. *Gothofr. ad d. l. 15. sub. n. 72.* & ubi quis habet  
mandatum vendendi, ibi fidem de pretio habere non  
poteft. *idem Gothofr. ibid. Coler. proc. execut. c. 9. part. 3.  
n. 94.* ubi sic per Scabinos dicasterii Lipsiensis fuisse re-  
sponsum, testatur; *Berlich. p. 1. conclus. 81. n. 80. & 81.  
Rebuff. art. 5. n. 19. tract. d. precon. & licit. & art. 7. n. 2.*

XXIX.

Quæri hic potest, quid obtineat, si licitatio fiat  
partim pecunia præfente, partim non præfente; an illa  
valeat, an verò non valeat? Respondet *Mangil. cit.  
tract. quæst. 14. n. 1.* quod non valeat, cum in totum &  
non pro parte præfens debeat esse pecunia: per ea quæ  
allegat dicit. *Mangil. d. l.* ubi etiam exceptiones ab  
hoc vid.

XXX.

Tandem & summatim dicendo, licitatio debet  
fieri secundum solennitates præscriptas, & ubi jus sta-  
tutarium observatur, secundum ejus juris dispositio-  
nem & requisita: *Mangil. d. tract. quæst. 2. Rebuff. tract.  
d. precon. & licitat. in præfat. n. 14.* quæ dispositiones pro  
diversitate locorum diversæ reperiuntur.

XXXI.

An autem forma hæc licitationis ad unguem sem-  
per sit observanda, & an non possit mutari, disquiritur?  
Hanc quæstionem quod attinet, illam affirmativè deci-  
dit *Coler. proc. execut. part. 3. c. 9. num. 93.* ubi post allegat.  
*Bald. in l. 3. n. 9. C. de execut. rei jud.* etiam addit rationem,  
ne

ne sc. fraudibus relinqueretur locus, & possessionibus  
 viliore pretio distractis, plus exactor ex gratia, quàm de-  
 bitor ex pretio consequeretur; *argt. l. si quos debitorum*  
*mole, 16. C. d. rescind. vendition.* tum, quòd ea, quæ cer-  
 tam semper habuere observantiam non sint mutanda  
*l. 23. ff. d. legib. l. 183. d. reg. jur. l. 1. & 2. Cod. quæ sit long.*  
*consuet.* quibus potest addi ratio, quòd mala præsuma-  
 tur fides, ubi ejusmodi solennitates non observantur  
*Mangil. d. tract. quest. 11. n. 13. Gothofr. ad l. 1. Cod. d. fid. &*  
*jur. hast. fiscal. sub num. 39.* adeò autem sunt observandæ  
 hæ solennitates, ut nec à filco quidem in venditione bo-  
 norum suorum debitorum possint intermitteri *l. 3. C. si pro-*  
*pter publ. pens. l. 16. d. rescind. vendit. C. Gothofr. ad l. 1. Cod.*  
*d. fid. & jur. hast. fiscal. n. 38.* nec possint à partibus remit-  
 ti; cum, quia sunt juris publici, & hinc à partibus re-  
 mitti non possunt *l. nemo 55. ff. d. legat. 1. & l. jus publicum*  
*38. d. pact.* tum quia istæ solennitates sunt introductæ  
 in favorem & utilitatem omnium creditorum *l. 6. C. d.*  
*remission. pignoris Tapat. tit. 417. c. 3. in fin. Rebuff. d. tract.*  
*in præfat. n. 18.*

XXXII.

Sed cui incumbat probatio solennitates in licita-  
 tione non fuisse observatas, quæstionis est? Respondet  
*Berlich. part. 1. conclus. sæpe allegat. 81. n. 229.* quod ad id  
 teneatur ille, qui dicit eas non fuisse servatas, & pro sua  
 sententia allegat *Bald. in l. quod in libellum C. d. fid. & jur.*  
*hast. fiscal. n. 2. 7. & seq.*

XXXIII.

Utrum autem licitatione semel facta, & omnibus  
 diebus subhastationis elapsis, debitor aliam petere possit

C 2

licita

licitationem, itidem controvertitur? Bart. in l. licitatio  
9. ff. d. publ. & vectigal. n. 5. negat, nisi debitor sit talis,  
qui possit in integrum restitui; & sic etiam statuit Ber-  
lich. d. l. n. 98. cum aliis: adde quoque Mangil. d. tract.  
quest. 16. n. 14. & hæc de forma, quam latius tractatam  
apud citatos vide sis autores, sequitur nunc.

## XXXIV.

Finis, qui est secund. Berlich. l. cit. n. 153. (1.) ut evi-  
tetur omnis fraus in distractione bonorum debitoris  
facienda; si enim creditoribus concederetur solis debi-  
torum suorum bona distrahere, illi interdum pro lu-  
bitu & maximo cum damno suorum debitorum rem  
agerent, puta vilius rem vendendo, vel alio modo de-  
bitorum commodum quærere intermittendo: (2.) ut  
licitatione hinc inde factâ verus rei valor & pretium ex-  
ploretur, resque tali æstimetur precio, quod quilibet  
pluris offert, & in quo à nemine superatur. Berlich. p. 1.  
conclus. 83. n. 38. (3.) ut licitatione jam legitime facta è  
pecunia, quæ occasione licitationis ex bonis debitoris  
fuit redacta, ipsis Creditoribus consulatur ac satisfiat.

## XXXV.

An autem iis æquali portione pro rata debiti cu-  
jusque quantitate satisfieri debeat, quæritur? & respon-  
detur per l. 6. in fin. Cod. de bon. aut. jud. possidend. quod  
sic, nisi inter creditores quidam sint, qui sint privilegia-  
ti, quos alii creditoribus præferri & notum & manife-  
stum est ex l. 17. ff. d. reb. aut. jud. poss. l. 1. d. cess. bon. l. 52.  
§. 1. d. pecul. l. 5. & 6. qui pot. in pign. habeant. §. 29. in fin.  
Inst. de action. quod & approbatum videmus à Matthia  
Berlich. part. 1. conclus. 81. n. 212. qui pro hac sua senten-  
tia

titatio  
talis,  
t Ber-  
tract.  
atam

tia allegat *Electoris Aug. constit. noviss. 32. §. findet sich*  
aber / verb: jedoch unbeschadet eines jeden Rechts und  
priorität.

## XXXVI.

Sed quid, si pecunia per licitationes è bonis debi-  
toris parata, sit major credito, quod debitor habebat à  
creditoribus, ipse debitori illud superfluum restitue-  
tur? & si pecunia fuerit minor, ita, ut creditoribus in  
totum satisfieri non possit, debitorne plenè liberabitur?  
Respondetur ad primum; quod illud regulariter fieri  
non possit, ob *argt. l. 7. §. II. quib. ex caus. in possess. eatur.*  
*Cujac. ad Nov. 53. in part. ejus 3.* (quod tamen est secus de  
jure Saxon. *per art. 70. §. Soll man denn l. 1. Landrecht /*  
*ubi: wenn das Pfand mehr gilt / denn die Schuld ist / das*  
*soll man dem Schuldner wiedergeben; & de jure Franco-*  
*furt. Reform. Francof. part. I. III. 46. würde sich auch befin-*  
*den / daß die Summa des Kauff-gelts über die Summa des*  
*Gläubigers sich tragen würde / soll alsdenn der Gläubiger*  
*die Uebermaß dem Schuldner zu gut kommen lassen &c.)*  
sed quod sit necesse, ut tabulariis presentibus, eoquè  
qui vendidit, consignetur, deponaturquè eum in fine m,  
ut, si forsitan alii veniant creditores, qui probent debi-  
torem, cujus bona sub hasta & per licitationem fuere  
distracta, & sibi debere, illi suum exinde possint conse-  
qui & accipere creditum. *l. ult. §. 1. Cod. d. bon. aut. jud.*  
*possid.*

## XXXVII.

Dixi regulariter: Exceptio enim reperitur in fu-  
rioso, cujus bona ob urgens æs alienum sunt vendita,  
*d. l. 7. §. II. quib. ex caus. in possess. eat.* & aliis personis, qui

C 3

curato-

curatorum ope juvari solent, & qui non defenduntur, quando patiuntur bonorum venditionem *d. l. 7. §. 12.* Sic & in pupillo, qui paterna hereditate se abstinuit, & qui propter illam abstentionem, id quod ex bonis à creditoribus distractis superest, impletis & absolutis omnibus creditoribus accipit. *l. 6. pr. d. reb. aut. ind. possid. l. 79. ad Sctum Trebell.*

XXXVIII.

An autem minor 25. annis idem beneficium habeat, disquiritur? & responderetur per *l. ult. in fin. Cod. de repud. vel. abstin. heredit.* quòd, licet id non habeat jure ipso & directò; per indirectum id tamen possit consequi, quando scilicet rebus hereditariis distractis in integrum restituitur, & res hereditarias, quæ soluro alieno ære superstites sunt, recuperat.

XXXIX.

Secundam quæstionem antea §. 36. motam, quod attinet, illa resolvitur negativè, *argt. l. 27. & 33. §. 1. ff. d. solut. VVesembec. in parat. d. solut. n. 5.* ad hoc enim ut liberetur quis, solidum, quod deberetur est solvendum; & non liberatur debitor in totum, si creditoribus suis non plenè satisfecit *l. 3 §. 4. & 5. in fin. Cod. d. iur. domin. impetr.* quod & deduci potest *ex l. 1. Cod. qui bon. ced. poss. add. Reformat. Francof. l. antea cit. eod. §. in fin. & Lande receh. ibid.*

XL.

Effectus licitationis cernitur vel respectu licitatoris, vel respectu debitoris: respectu licitatoris est (1.) quòd ille pretium solvere cogatur, quod semel obtulit, nec ob id, quòd eum oblationis pæniteat, recedere possit,



fit, quod tamen sic intelligendum, si licitationem fuerit secuta additio; aut aliud quidpiam, quod effecerit, quò minus res adhuc sit integra; quamprimùm enim facta est additio, inter vendentem sive proclamantem & licitatore[m] sive ementem firma oritur obligatio, à qua parti parte alterâ invitâ recedere non est permis- sum *l. 2. C. quand. liceat ab empt. reced. l. 3. C. d. rescind. vend. l. 6. §. 2. d. contrah. emt. l. 8. Cod. d. pact. inter empt. & vendit. l. 58. ff. d. pact.*

XLI.

(2.) Quòd licitationem infecuta additio transfe- rat in licitatore[m] plenissimum rei per licitationem dif- tractæ dominium *l. 3. C. d. fid. & iur. hast. fiscal.* adè, ut in eum etiam transferatur rei licitatæ periculum, vacuâ licet & nondum translata possessione: Res enim sem- per suo perit domino *l. 9. C. d. pignerat. act.* Nec moveri quispiam debet, quòd absque possessione vacua domi- nium non possit transferri, & rerum legatarius statim à tempore mortis sine ulla apprehensione Dominus effi- citur *l. 64. ff. d. furt. l. 80. d. legat. 2. l. 1. §. 5. si is qui test. lib. esse ius. est. l. 10. §. ult. d. condic. furt. Bacchov. ad Treutl. volum. 2. disput. 13. thes. 7. lit. A.* illaque regula: quod sine possessione vacua dominium non acquirat- ur, manet vera, si loquamur de dominio ex jure genti- um acquirendo, non verò si de dominio acquirendo ex jure civili, quorsum hanc jam dictam recte referri testa- tur. *Bacchov. ad Treutl. volum. 2. disp. 20. thes. 4. lit. D. in fin. Carpz. part. 1. c. 32. defin. 46.*

*ad eog. nec periculum  
quid*

XLII.

(3.) Quòd licitator sit tutus, nec à creditoribus si iis

si iis ex pretio non est satisfactum, denuò possit conveniri, quando Magistratui ab eo precium est solutum; bona enim fides non patitur, ut quis idem bis solvere teneatur *l. 57. de reg. jur.* & is, qui mandante & autore iudice solvit, tutus sit *l. 7. §. 2. vers. permittitur ff. d. minor. l. 25. C. d. administr. tut. Carpzov. part. 1. c. 28. def. 183.* Nec tangit licitatore, si illud suum pretium aut malè fuerit custoditum, aut perperam inter creditores distributum, cum iudex teneatur creditoribus rationem reddere pecuniæ acceptæ *d. Carpzov. d. part. & cap. def. 182. num. 4.*

## XLIII.

(4.) Quod acquisitio per licitationem firmitatem accipiat perpetuam *l. ult. Cod. si propter publ. pensitat.* hinc jus retrovenditionis cessat, cum interfit publicè, publicas venditiones non facilè fieri irritas *l. 8. d. remis. pignor. add. l. 7. §. 8. ff. de minorib.* & vix inveniuntur, qui ad licitationes tales vellent accedere. *Carpz. p. 2. c. 1. def. 25.*

## XLIV.

Sed an talem habeat firmitatem, ut in illa non sit locus evictioni, quæstionis est? Resp. licet cesset, uti jam dictum jus retrovenditionis, attamen non illicò cessat jus evictionis, cum publica & solennis distractio impedire non possit, quò minus rem meam à possessore evincere possim, nec domino in jure sui domini præjudicare possit: nec est, quod queratur emptor, cum ille contra debitorem habeat regressum, cui solutio profuit, perinde ac si solus vendidisset *l. 4. & 13. C. d. evictio. Coler. process. execut. part. 3. c. 9. num. 113. Berlich. p. 1. concl.*

*concl. 81. num. 205. nisi à creditore quid dolo aut fraude factum!*

## XLV.

Respectu debitoris (1.) est effectus, quòd is amittat rerum suarum dominium, quæ sub hasta fuere per licitationem distractæ, illudque in licitatore transfe-  
ratur *arg. l. 18. C. d. distract. pignorum.* & per ea, quæ supra occasione licitatoris sunt dicta; non obstante, quòd nemo debeat cogi invitus ad vendendum; quia hoc verum est regulariter, nec ad exceptiones & specialitates extendendum; ubi enim causa subest, quàm justissimè hic subesse certum est, ab illa regula disceditur; in vicem enim justæ obligationis ex contractu provenientis succedit hic autoritas jubentis *l. 1. Cod. si in causa jud. pign.*

## XLVI.

(2.) Quòd liberetur à suis creditoribus, si illi solidum ex distractione rerum per licitationem facta fuerint consecuti; quòd si hoc non fuerit factum, non liberatur *arg. l. 1. C. qui bon. ced. poss.* vid. quæ supr. *thes. 39.* sunt dicta.

## XLVII.

(3.) Quòd notetur infamia, non tamen juris, sed tali, quâ pudor solummodò sugillatur, maculaque adspersitur, *vid. Colleg. Argentorat. ad tit. d. reb. aut. jud. possid. §. 26. verb. & per ignominiam intelligenda sit non vera juris infamia &c.* nisi licitatio & subhastatio ex consuetudine fiat per actum aliquem ignominiosum, quales actus videri possunt apud *Hillig. in Donell. lib. 27. c. 9. sub lit. hb.* & hæc de effectu; sequuntur nunc contraria & affinia, de quibus breviter.

D

XLVIII.

Illa sunt (I.) quando probatur aperta fraus facta in licitatione, vel ab e mente vel à distrahentibus l. 2. C. d. fid. & jur. hast. fiscal. licitatione enim non legitime facta additio & per consequens dominii translatio erit nulla: Anton. Faber in Cod. l. 8. tit. 16. defm. 4.

XLIX.

(II.) Si fuerit licitatio facta in re, quam licitari non est permiffum five, cujus licitatio est prohibita.

L.

(III.) Si res per licitationem est acquisita ab eo, qui ad eam non erat admittendus.

LI.

(IV.) Si facta fuerit non autore Magistratu & quidem competente, nec iis solennitatibus ac requisitis observatis, quæ in illo loco, ubi illa fuit celebrata, vel à legibus vel consuetudinibus requirebantur.

LII.

(V.) Si nullum fuit debitum, cujus occasione bona fuere licitata, aut non certum & liquidum.

LIII.

(VI.) Si ultimo majus precium offerenti licitatori ad solvendum idoneo res non fuerit addicta.

LIV.

An autem hic etiam obrineat beneficium l. 2. Cod. d. rescindend. vendit. quæri potest: Sunt qui id negent; verum cum & hic suæ possint intervenire fraudes, & res vel vilioire vel majore quandoque contingat distrahi precio calore licitantium ignorantium rerum valorem l. 16. C. d. rescind. vendit. & ob pretii vilitatem res publicè distracta restituatur per l. 2. Cod. de fid. & jur. hast. fiscal.

*fiscal. l. 9. ff. d. rescind. vendit.* illud locum habere putaverim: Non obstante, quòd in tali licitatione præsumatur res debito precio distracta, illa enim præsumptio cessat, si probatio læsionis in contrarium adduci potest. *l. 11. C. de præd. minor. adde Colleg. Argent. th. 27. ad tit. d. reb. aut. jud. pof.*

## L V.

Affinia possunt poni omnes aliæ publicæ licitationes, quæ tamen non fiunt necessariò, ex causa scilicet ea, quâ debitores propter debitum sunt suis creditoribus obstricti, sed solummodò ad partium instantiam, quæ propter utilitatem, quam majorem cernunt in pecunia parata, quàm bonis, bonorum licitationem petunt, ut, quando tutores & curatores à Magistratu impetrant, quòd bona pupillorum, minorum, viduarum &c. publicè distrahantur. & hæc de licitatione sub hasta sufficiant? qui plura cupit, adeat præter citatos autores *Aegid. Magist. in tract. d. bonorum proscript. sive subhastat. Todoc. Dambuder. subhastat. compend. & Exegesi. Ioan. Baptist. Afm. d. exsecut. Parlad. 2. rer. quotidian. c. fin part. 5. §. 8. Munoz. d. ratiocin. c. 16. Anton. de Gamma decis. 40. 77. 95. 198. Rauchb. part. 1. quest. 46. & alios.* quos omnes thesibus meis locis convenientibus subnexissem, si illorum copia mihi potuisset fieri!

*Deo Opt. Max. sit Gloria!*




Strassberg, Diss., 1670

X2677027

Kort









18,

P. 17. num. 2.

Q. D. M. B. U.

DISPUTATIONEM INAUGURALEM  
JURIDICAM

De

LICITATIONIBUS

SUB

HASTA

Authoritate & Decreto

Magnifici, Nobilissimi, Amplissimi  
Consultissimi

Ordinis Jctorum

in

Florentissima & undiquaque celeberrima

ARGENTORATENSIIUM UNI-

VERSITATE

pro

Consequendis summis in utroque jure

Honoribus & Privilegiis

Doctoralibus

SOLENNITER habebit

HIERONYMUS Schneider

Moenno - Francof.

ad diem 21. Mens. April. 1670.

ARGENTORATI,

Literis GEORGII ANDREÆ DOLHOPFFII,

Imprimebat JOHANNES Schüg.



19.